

Nyob Zoo Sac City Unified Tsev Neeg,

Xyoo no yog ib xyoos uas nyuab heev rau cov tub/ntxhais kawm ntawv, cov neeg ua dejnum, thiab peb lub zej zog. Thaum peb cov tsev kawm ntawv raug kaw rau lub 3 hlis ntuj tim 13, peb tau hloov yam sai kavg nkaus los mus ua tes dejnum txuas ntxiv kom ua tau raws li cov tub/ntxhais kawm ntawv txoj kev kawm, kev sib raug zoo thiab txoj kev xav uas tu ncu. Qhov no yog xws li cov kev txhawb pab rau kev muab zaub mov noj rau cov tub/ntxhais kawm ntawv, muab cov computer, internet, thiab kev txhawb rau kev sib raug zoo thiab txoj kev xav, thiab tsim txoj kev kawm ntawv nyob sib nrug deb los ntawm siv ob peb lub asthiv nkaus xwb.

Nyob rau lub 6 hli ntuj tim 2, peb tau qhia rau peb lub zej zog tias peb tab tom tsim npaj peb cov homphiaj rau peb txoj kev yuav rov qhib tsev kawm ntawv rau lwm xyoo. Raws li ib feem ntawm qhov kev lis tej no, peb yuav thov lub zej zog seb lawv ho xav licas thiab muab cov kev qhia rau kev rov qhib tsev kawm ntawv los ntawm Sacramento County Office of Education. Lub asthiv no, lub California Department of Education kuj yuav tso tawm lawv cov kev qhia. Peb yuav siv koj qhov kev xav, cov kev qhia no, thiab cov ntaub ntawv los ntawm lub California Department of Public Health, raws li peb npaj rau tsev kawm ntawv nyob rau thaum lub caij nplooj zeeg.

Hnub no, los ntawm qhov kev ntsuam xyuas li hauv qab no peb cia siab tias yuav tau koj txoj kev xav txog ntawm txoj kev kawm nyob sib nrug deb thiab seb peb ho yuav txhim kho licas tau peb cov kev pabcuam rau xyoo kawm ntawv tom ntej no. Peb paub tias peb yuav tsum ua haujlwm txuas ntxiv los yoog thiab ua kom yooj yim tau li koj cov tub/ntxhais kawm ntawv txoj kev xav tau, thiab koj txoj kev kootes nyob rau hauv daim ntawv ntsuam xyuas thiab txoj kev npaj lis ntaub ntawv tsis yog tsis muaj nqis.

Thov ua kom tiav daim ntawv ntsuam xyuas ntawm **NOV**.

Daim ntawv ntsuam xyuas yuav kaw rau thaum lub 6 hli ntuj tim 18. Nyob thaum uas kaw lawm, peb yuav muab tso tawm thiab muab qhia tias tau licas tawm los. Peb yuav qhia koj txog qhov tshiab rau ntawm txoj kev npaj lis tej ntaub ntawv no ua ntu zus.

Peb txoj kev lis ntaub ntawv rau txoj kev tab tom npaj yuav muab tsim tawm ua them zus rau tej koog raws li hauv qab no:

- **Cov kev kawm** – Ua kom tau li cov kev kawm tu ncu nyob rau hauv qhov kev kho thaj chaw dua tshiab

- **Kev tuaj kawm ntawv thiab kev koomtes** – kom muaj kev sib raug zoo thiab kev koomtes ntxiv
- **Kev ib txwm qhia ntaub qhia ntawv** – Tsim txoj kev sib tham thiab txoj kev xav thiab kev noj qab nyob zoo
- **Cov kev pabcuam rau kev noj zaub mov zoo** – Muaj zaub mov noj zoo tsis tu ncu
- **Kev Txo Kom Tsawg Cov Kev Ntsuas thiab Lub Luag Haujlwm Ntawm Pej Xeem Kev Noj Qab Haus Huv** – Cov kev yuav tsum ua raws Kev Noj Qab Haus Huv yuav tsum tau ua raws li los ceev kom cov tub/ntxhais kawm ntawv, cov tsev neeg thiab tsev kawm ntawv cov neeg ua dejnum muaj kev nyob nyab xeeb thiab noj qab haus huv.

Peb pab pawg yuav ua haujlwm kom thoob rau ib qho chaw zuj zus ntawm txhua qhov kom ze rau cov theem. Raws li cov ntaub ntawv hloov sai sai, peb kuj yuav mus mus los los rau cov theem los mus qhia txog cov ntaub ntawv tshiab lossis cov kev pom zoo.

Theem ib: Kev tshawb fawb, Daim ntawv Soj Ntsuam thiab Cov Data uas Khaws Cia – Raws li uas twb tau qhia saum toj no, peb koog tsev kawm ntawv tau ua haujlwm nrog lub xeev thiab county cov neeg saib xyuas kev ruaj ntseg los koom uake thiab tsim cov kev qhia kom ua raws rau kev rov qhib tsev kawm ntawv yam tso siab lug. Peb tau pib muab cov kev nqua hu los tso uake los ntawm cov kev soj ntsuam los nrhiav cov kev xav los ntawm cov tub/ntxhais kawm ntawv thiab peb lub zej zog. Peb kuj tau caw lwm cov los muab kev koomtes rau kev rov qhib tsev kawm ntawv los pab ceeb toom qhia txog peb qhov kev npaj.

Theem ob: Thawj daim draft cov kev pom zoo – Peb cov pab pawg ua haujlwm yuav siv cov kev qhia thiab lub zej zog cov kev xav los tsim thawj daim draft kev pom zoo rau kev rov qhib tsev kawm ntawv. Peb yuav qhia qhov ntaub ntawv no nrog rau peb lub zej zog los nrhiav txoj kev xav thiab tham txog tej yam kev pom zoo kom muaj tshwm sim nrog rau cov neeg koom nrog peb uake.

Theem 3: Cov kev pom zoo thaum kawg kiag – Sac City Unified yuav nthuav tawm nws qhov kev npaj thaum kawg rau lub zej zog thiab lwm cov neeg nrog ua haujlwm uake.